



Broj: 01-11-470-3

Mostar, 22.8.2025.

Na osnovu člana 5. Zakona o kantonalnim ministarstvima i drugim organima kantonalne uprave („Službene novine Hercegovačko-neretvanskog kantona”, broj: 4/98, 1/02, 4/07 i 2/13), Odluke Vlade HNK o usvajanju Programa utroška novčanih sredstava predviđenih Budžetom HNK za 2025. godinu Ministarstvu trgovine, turizma i zaštite okoliša s pozicija „Transfer drugim nivoima vlasti” i „Tekući transfer (jačanje turističkih kapaciteta)”, broj: 01-1-02-1977/25 od 24.7.2025. i tačke VII Programa, ministar trgovine, turizma i zaštite okoliša objavljuje

JAVNI POZIV

za podnošenje prijava za odabir projekata koji će se finansirati iz sredstava „Transfer drugim nivoima vlasti” i „Tekući transfer (jačanje turističkih kapaciteta)” utvrđenih Budžetom HNK za 2025. godinu

I

(Predmet javnog poziva)

Predmet javnog poziva je dodjela finansijskih sredstava jedinicama lokalne samouprave s područja HNK s ciljem jačanja konkurentnosti hercegovačko-neretvanskog turizma kroz projekte zaštite i poboljšanja statusa voda te izgradnju javne turističke infrastrukture u općinama/ gradovima s područja HNK.

II

(Iznos raspoloživih sredstava)

Sredstva za provođenje javnog poziva obezbjeđena su u Budžetu HNK za 2025. („Službene novine HNK”, broj 4/25) na poziciji Ministarstva trgovine, turizma i zaštite okoliša, organizaciona jedinica 35010001, ekonomski kodovi 614100 SAL001 i SAL004 u ukupnom iznosu od 800.000,00 KM (slovima: osamsto hiljada konvertibilnih maraka i 00/100).

III

(Namjena sredstava)

Namjena sredstava iz tačke II Javnog poziva je sufinansiranje projekata manje vrijednosti koji doprinose: zaštiti i očuvanju voda i vodenih ekosistema, promovisanju održivog korištenja voda i boljoj turističkoj valorizaciji javnih površina uz vodotoke.

IV

(Prihvatljive aktivnosti)

Sredstva iz tačke II. javnog poziva koristit će se za programske aktivnosti kako slijedi:

PROGRAMSKA AKTIVNOST 1

PROJEKTI ZAŠTITE I OČUVANJA STATUSA VODA I VODENIH EKOSISTEMA u ukupnom iznosu od 200.000,00 KM (slovima: dvjesto hiljada konvertibilnih maraka i 00/100) s ekonomskog koda 614100 SAL 0001 za sufinansiranje provođenja projekata zaštite i očuvanja statusa voda. Prihvatljive aktivnosti su: sanacija divljih odlagališta uz vodotoke - uklanjanje otpada, postavljanje nadzornih kamera ili informativnih ploča; postavljanje kanti za odlaganje otpada u blizini vodnih tijela; zelene barijere - sadnja vegetacije duž obalnog pojasa kako bi se smanjila erozija i filtrirao površinski otok, ozelenjivanje mostova i sl.

PROGRAMSKA AKTIVNOST 2

PROJEKTI TURISTIČKE VALORIZACIJE PROSTORA UZ VODOTOKE, u ukupnom iznosu od 600.000,00 KM (slovima: šesto hiljada konvertibilnih maraka i 00/100) s ekonomskog koda 614 100 SAL004 za sufinansiranje provođenja projekata uređenja javne turističke infrastrukture u obalnom pojasu. Prihvatljive aktivnosti su: uređenje šetnica i biciklističkih staza uz rijeke, potoke i jezera - s klupama, javnom rasvjetom, eko-koševima za otpad; postavljanje vidikovaca, malih pristaništa ili pontona - za promatranje prirode, rekreaciju, edukativne svrhe; izgradnja tematskih parkova ili interpretacijskih centara uz vodene površine; uređenje javnih plaža; obilježavanje i uređenje pristupnih tačaka do rijeka i jezera - uređivanje stepenica, pristupnih puteva, putokazi i table o pravilima ponašanja u zoni voda; kreiranje zelenih površina koje promovišu odgovorno korištenje prostora uz vodotoke; instalacija sprava za vježbanje od prirodnih ili recikliranih materijala uz vodotoke i sl.

V

(Prihvatljivi prijavitelji)

Pravo podnošenja prijave na ovaj javni poziv imaju općine i gradovi s područja HNK, pod uslovom: da postoji odluka načelnika/gradonačelnika o pokretanju projekta, da će se za isti obezbijediti sredstva iz općinskog/gradskog budžeta najmanje u visini 30% ukupne vrijednosti projekta i da su ispunjene ugovorne obaveze prema Ministarstvu kao davaocu finansijskih sredstava iz sklopljenih ugovora o sufinansiranju za prethodne tri (3) godine.

VI

(Kriteriji za ocjenjivanje)

Prijave će se ocjenjivati prema sljedećim kriterijima:

1. Doprinos projekta zaštiti voda i ekosistema (0 do 15 bodova)
2. Pripremljenost i izvodljivost projekta (0 do 15 bodova)
3. Realnost, inovativnost i održivost projekta (0 do 15 bodova)
4. Uicaj projekta na lokalnu zajednicu i posjetioce (0 do 15 bodova)
5. Usklađenost projekta s lokalnim strategijama/planskim dokumentima (0 do 15 bodova)
6. Su/finansiranje iz drugih izvora (vlastito učešće) (0 do 15 bodova)
7. Promocija i vidljivost projekta (0 do 10 bodova)

Maksimalni broj bodova po prijavljenom projektu je 100. Prijavljeni projekt koji u postupku ocjenjivanja ne ostvari najmanje 70 bodova, ne može ostvariti pravo na sufinansiranje.

VII

(Ograničenja visine pojedinačne podrške)

Za Programsku aktivnost 1 (zaštita voda) iznos podrške može iznositi najmanje 10.000,00 KM, a najviše 30.000,00 KM po projektu. Za Programsku aktivnost 2 (turistička valorizacija prostora uz vodotoke) iznos podrške može iznositi najmanje 30.000,00 KM, a najviše 200.000,00 KM po projektu.

Ministarstvo može odobriti manji iznos od traženog, zavisno o broju prijava i raspoloživim sredstvima.

VIII

(Dokumentacija za učestvovanje)

Dokumentacija za učestvovanje mora **OABVEZNO** sadržavati :

1. JP 3_Prijavni obrazac
2. Detaljan opis projekta s operativnim ciljevima, ciljnom grupom i očekivanim rezultatima
3. Finansijski plan s jasno iskazanim izvorima sufinansiranja (vlastita sredstva i dr. izvori)
4. JP 3_Obrasc 1 - Izjava o realizaciji projekta

5. JP 3_Obrascac 2- Izjava načelnika/gradonačelnika da će u budžetu biti obezbjeđena sredstva za realizaciju projekta (min. 30% ukupne vrijednosti)
6. JP 3_Obrascac 3 - Izjava načelnika/gradonačelnika o ispunjenim ugovornim obavezama prema Ministarstvu za prethodne tri (3) godine
7. Dokaz o partneru ukoliko postoji (ugovor o suorganizaciji, sporazum o saradnji, memorandum o razumijevanju i sl.)
8. Plan promocije/marketingške aktivnosti.

Kao **NEOBAVEZNA** dokumentacija može se priložiti svaki dodatni dokument koji može potvrditi vrednovanje kriterija iz tačke VI Javnog poziva. Svi dokumenti koji se prilažu uz prijavu moraju biti originali ili ovjerene kopije **ne starije od 3 (tri) mjeseca** računajući od dana objave Javnog poziva. Ministarstvo nema obavezu vraćanja dokumentacije pristigle na Javni poziv.

IX

(Zajedničke odredbe)

a) Način podnošenja prijave

Prijavni obrasci popunjavaju se na računaru i u originalnom ispisu slažu s pratećom dokumentacijom, prema redoslijedu iz tačke VIII Javnog poziva. Prijava mora biti uvezana, a sve stranice prijave numerisane i ovjerene pečatom podnosioca prijave i potpisom ovlaštenog lica podnosioca prijave.

Tako pripremljena prijava **dostavlja se u zatvorenoj koverti ISKLJUČIVO putem pošte na adresu**

**MINISTARSTVO TRGOVINE, TURIZMA I ZAŠTITE OKOLIŠA HNK
BRAĆE FEJIĆA BB, 88000 MOSTAR**

s naznakom

„NE OTVARAJ“ - PRIJAVA NA JAVNI POZIV

**ZA ODABIR PROJEKATA KOJI ĆE SE FINANSIRATI IZ SREDSTAVA „TRANSFER DRUGIM
NIVOIMA VLASTI“ I „TEKUĆI TRANSFER (JAČANJE TURISTIČKIH KAPACITETA)“
UTVRĐENIH BUDŽETOM HNK ZA 2025. GODINU PROGRAMSKA AKTIVNOST _____**

Na poledini koverta **OBAVEZNO** je navesti puni naziv podnosioca prijave, adresu i kontakt telefon te ovjeriti pečatom

b) Rok za podnošenje prijave

Javni poziv otvoren je trideset (30) dana od dana objave na web stranici Ministarstva i Vlade HNK.

Rok za podnošenje prijave na osnovu Javnog poziva ističe **20.9. 2025.**

c) Razmatranje prijave

Neće se uzeti u razmatranje:

- neblagovremene prijave (dostavljene van utvrđenog roka)
- prijave koje nisu pripremljene na način propisan u tački IX alineja a) Javnog poziva (prijavni obrasci nisu popunjeni računalom, nisu priloženi u originalnom ispisu, prijava nije složena po redoslijedu iz tačke VIII Javnog poziva, prijava nije uvezana, stranice nisu numerisane i ovjerene na propisani način, koverta s prijavom nije zatvorena, nije adresirana na propisani način, nije dostavljena putem pošte)
- nepotpune prijave (ne sadrže kompletnu dokumentaciju koja se traži Javnim pozivom)
- prijave neusklađene s programskim ciljevima iz Javnog poziva.

d) Donošenje i objava konačne odluke

Najkasnije 30 dana od dana zaključenja Javnog poziva, na prijedlog Ministra konačnu odluku o izboru korisnika sredstava „Transfer drugim nivoima vlasti“ i „Tekući transfer (jačanje turističkih kapaciteta)“ usvaja Vlada HNK.

Objavom konačne odluke o izboru korisnika sredstava na web stranicama Ministarstva i Vlade HNK, svi podnosioci prijava smatraju se obaviještenim o rezultatima Javnog poziva.

e) Pravo prigovora

Prijavitelji koji smatraju da su oštećeni zbog nepravilnog postupanja tokom postupka dodjele, imaju pravo podnijeti prigovor u roku od osam (8) dana od dana objave konačne odluke. Teret dokazivanja nepravilnog postupanja je na Prijavitelju. Odluku o prigovoru donosi Ministar. Prigovor ne odgađa izvršenje konačne odluke o odabiru i dalje provođenje procedure po Javnom pozivu.

f) Dodatne informacije

U postupku po Javnom pozivu Ministarstvo ne snosi nikakve troškove učesnika Javnog poziva ni odgovornost prema učesnicima u pogledu aktivnosti koje su preduzeli u cilju apliciranja za određeni podsticaj.

Dostavljena dokumentacija se ne vraća podnosiocu prijave.


Sva dodatna pitanja u vezi ovog poziva mogu se postaviti svakim radnim danom u terminu od 11,30 do 13,00 sati na broj telefona 036 552 922.

X

(Završne odredbe)

S jedinicama lokalne samouprave koje ispune uslove i kriterije za dodjelu sredstava iz ovog poziva, Ministarstvo trgovine, turizma i zaštite okoliša zaključit će ugovor o međusobnim pravima i obavezama.

Korisnici sredstava - jedinice lokalne samouprave kojima budu odobrena sredstva, obavezne su Ministarstvu trgovine, turizma i zaštite okoliša dostaviti izvještaj o namjenskom utrošku dodijeljenih sredstava s originalnom dokumentacijom na osnovu koje se dokazuje namjenski utrošak sredstava.


Ministar
Emil Balavac, s.r.